

LEMBAGA URUS AIR SELANGOR
(UNIT KORPORAT)

AKHBAR : SINAR HARIAN

TARIKH : 10 SEPTEMBER 2020

KERATAN AKHBAR

SINAR HARIAN • KHAMIS 10 SEPTEMBER 2020 13

GANGGUAN BEKALAN AIR DI LEMBAH KLANG

Lima cubaan cemarkan sungai berjaya dihalang



BANTING - Lima cubaan untuk mencemarkan sungai di sekitar Selangor yang boleh membawa kepada penutupan Loji Rawatan Air (LRA) berjaya dihalang dalam tempoh dua bulan kebelakangan ini.

Menteri Besar Selangor, Datuk Seri Amirudin Shari berkata, malangnya pencemaran melibatkan Sungai Gong baru-baru ini gagal dihalang berikutan ia melibatkan masalah bau yang tidak dapat dilihat dengan mata kasar.

Beliau berkata, pekerja Lembaga Urus Air Selangor (LUAS) juga sebelum ini sudah dikerahkan untuk bertugas mengikut syif bagi memantau keadaan sungai di negeri ini.

“Kejadian ini merupakan salah satu daripada pelbagai cubaan untuk melakukan pencemaran sungai.

“Dalam tempoh dua bulan, kita berjaya menghalang lima cubaan pencemaran.

“Cumanya kali ini pencemaran itu melibatkan masalah bau dan sesuatu yang tak dapat dilihat dengan mata,” katanya kepada media selepas Majlis Pengisytiharan Sempena Menjunjung Titah Sultan Selangor Bagi Pengisytiharan Majlis Perbandaran Kuala Langat (MPKL) di Dewan Seri Jugra semalam.

Terdahulu, beberapa kawasan berdepan gangguan bekalan air tidak berjadual susulan daripada insiden pencemaran bau yang berlaku di Sungai Gong.

Ekoran insiden itu, Sultan Selangor, Sultan Sharafuddin Idris Shah turut berkenan menerima menghadap Amirudin dan menzahirkan rasa dukacita baginda terhadap impact yang terpaksa ditanggung rakyat negeri ini akibat pencemaran sungai tersebut.

Mengulas mengenai pertemuannya bersama Sultan Selangor kelmarin, Amirudin berkata, pihaknya turut mempersembahkan kepada baginda bahawa kerajaan negeri telah menubuhkan jawatankuasa sebelum ini bagi memantau lembangan sungai-sungai utama.

Amirudin berucap pada Majlis Pengisytiharan Sempena Menjunjung Titah Sultan Selangor Bagi Pengisytiharan Majlis Perbandaran Kuala Langat di Dewan Seri Jugra semalam.

LEMBAGA URUS AIR SELANGOR
(UNIT KORPORAT)

SAM gesa 'pemutihan'
kilang di kawasan sungai

KUALA LUMPUR - Sahabat Alam Malaysia (SAM) menggesa pihak berkuasa negeri berkaitan pencemaran bertindak tegas dengan melakukan 'pemutihan' kilang-kilang dan binaan berhampiran sungai bagi memastikan kebersihan dan keselamatan sungai sebagai sumber air terpelihara.



MEOR RAZAK

Penyelidik Lapangan SAM, Meor Razak Meor Abdul Rahman berkata, bukan hanya di Selangor, malah pengezonan semula kilang dan binaan berhampiran sungai di setiap negeri perlu dilakukan supaya sisa buangan tidak lagi dialirkan terus ke sungai.

"Ia sebagai langkah pencegahan sebelum isu pencemaran di Sungai Selangor berulang. "Dalam pada (menunggu) undang-undang dan peraturan sedia ada ditambah baik atau dipinda, sebenarnya agensi berkaitan masih boleh melakukan penguatkuasaan di bawah undang-undang sedia ada dengan meminta mana-mana kilang yang melanggar syarat nyata kegunaan tanah seperti dalam geran hak milik agar memindah atau meroboh bangunan mereka," katanya.

Beliau mengulas kejadian gangguan bekalan air di Selangor beberapa hari lepas akibat pencemaran di Loji Rawatan Air (LRA) Sungai Selangor Fasa 1, 2, 3 dan Rantau Panjang yang berpunca daripada aktiviti kilang berhampiran sumber air loji berkenaan.

Mengulas lanjut, Meor Razak berkata, tindakan penguatkuasaan itu boleh dilakukan di bawah Kanun Tanah Negara iaitu jika terdapat kilang atau industri yang melanggar syarat guna tanah dengan melakukan aktiviti di luar daripada syarat yang ditetapkan dalam geran masing-masing, premis mereka boleh dirobohkan.

Beliau berpandangan, kenaikan denda daripada RM500,000 kepada RM1 juta adalah langkah yang baik, namun ia tidak cukup bagi menginsafkan golongan tamak haloba yang tidak pernah memikirkan kepentingan orang awam. - *Bernama*

Cemar alam sekitar jenayah terancang

PDRM teliti undang-undang terbaik untuk hukum mereka yang terlibat mencemarkan alam sekitar

KUALA LUMPUR

Polis Diraja Malaysia (PDRM) telah mengusulkan kepada Jabatan Peguam Negara agar kesalahan pencemaran alam sekitar dikategorikan sebagai jenayah terancang dan disiasat di bawah Akta Kesalahan Keselamatan (Langkah-Langkah Khas) 2012 (SOSMA).

Ketua Polis Negara, Tan Sri Abdul Hamid Bador berkata, cadangan berkenaan bukan melibatkan kes pencemaran Sungai Gong, Rawang sahaja tetapi semua kes melibatkan pencemaran alam sekitar pada masa akan datang.

"Kesalahan itu merupakan jenayah berat serta berulang dan PDRM telah meneliti undang-undang yang terbaik untuk dikenakan terhadap mereka yang didapati bersalah," katanya pada sidang media selepas majlis serah terima tugas jawatan empat pengarah jabatan Polis



Abdul Hamid (tiga dari kiri) dan Timbalan Ketua Polis Negara, Datuk Seri Acryl Sani Abdullah Sani (tiga dari kanan) ketika sesi bergambar pada majlis serah terima tugas empat jawatan pengarah Polis Diraja Malaysia (PDRM) di Dewan Sultan Haji Ahmad Shah, Maktab PDRM Cheras semalam.

Diraja Malaysia (PDRM) dan Pengerusi Persatuan Keluarga Polis (Perkep) di Maktab PDRM Cheras di sini semalam.

Mengulas mengenai isu penubuhan pasukan khas siasat jenayah pencemaran alam sekitar, Abdul Hamid berkata, perkara itu akan diserahkan kepada Kementerian Dalam Negeri (KDN) untuk membuat keputusan.

"Tiada masalah, kami sanggup menerima tanggungjawab ini dan yakin mampu membantu Kementerian Alam Sekitar dengan penubuhan pasukan khas berkenaan, namun ia akan melibatkan pertambahan jawatan dalam

PDRM," katanya.

Abdul Hamid berkata, PDRM telah memberikan pelbagai komitmen termasuk menangani isu Jabatan Perlindungan Hidupan Liar dan Taman Negara (Perhilitan), selain menjalankan tugas mengekang penyeludupan dengan bantuan ribuan warga PDRM.

"Beban tugas itu akan bertambah. Saya menjangkakan sekiranya cadangan Menteri Alam Sekitar dan Air (Datuk Seri Tuan Ibrahim Tuan Man) itu diluluskan KDN, maka saya memohon pertambahan perjawatan PDRM," katanya. - *Bernama*

Gangguan air di tujuh daerah pulih sepenuhnya

KUALA LUMPUR - Gangguan bekalan air di kesemua tujuh daerah sekitar Lembah Klang sejak pagi Khamis lalu pulih sepenuhnya pagi semalam.

Ketua Komunikasi Korporat Pengerusan Air Selangor Sdn Bhd (Air Selangor), Elina Baseri berkata, daerah berkenaan ialah Kuala Lumpur, Peta-

ling, Klang, Shah Alam, Kuala Selangor, Hulu Selangor, Gombak dan Kuala Langat.

Menurutnya, pihaknya mengucapkan terima kasih atas kesabaran pengguna sepanjang tempoh bekalan air tidak berjadual berlaku.

"Air Selangor menasihatkan peng-

guna menggunakan air secara berhemah.

"Air Selangor juga menyarankan pengguna memuat turun aplikasi telefon pintar Air Selangor di Google Play atau App Store untuk mendapatkan maklumat terkini bekalan air," katanya menerusi satu kenyataan semalam.

UNIT KORPORAT

TINGKAT 13, BANGUNAN DARUL EHSAN,
NO.3, JALAN INDAH, SEKSYEN 14, 40000 SHAH ALAM
TELEFON:03-55111800 / FAX:03-55101800